

EGAA YEROO KADHATTAN...

WWW.TENDAYSOFPRAAYER.ORG

GUY YAA-5^{ffaa}—MAQAAN KEE HAA QULQULLAA'U

“ifni keessan nama hundumaa biratti haa ifuu isa gaarii hojii keessanii arganii kan waaqaa abbaa keessan haa galateeffatanii” Mat. 5:16.

Nuti xalayaa dubbifamuudha.

yeroo tokko miseensi waldaa pasterii isaanii waliin ta’anii ollaa isaanii sagantaa tokko irratti afeeran. Afeerraa kanas namoonni baay’een in didan. Pasterichis warra waamaman keessaa warra beeku maaliif akka isaan dhufuu didan gaafate. Isaanis deebii garaa garaa deebisaniif. Yoo obbo -----n achitti kan argamuu ta’e baay’een keenya achitti argamuu hndandeenyu ittiin jedhan. Inni nama jaalala hinqabneedha, akkasumas garraamii miti. Inni kabaja kan hinqabneefi akkasumas leeyyoo kan hinbeekneedha. Inni gowwoomsaadha, bineeldotuma mana isaa jiraniif illee eeggannaa kan hingooneedha, yeroo hundumaas kan aaruufi gara jabeessa kan ta’eedha.” garuu Miseensonni waldaa irra caalaan isaanii gara laafina qabaachuu danda’u.

Kadhannaan Gooftaa ”yaa abbaa keenyaa waaqarra kan jiraattuu” jecha jedhuun jalqaba.” Waaqayyo waaqa yuunversii qofa osoo hintaane waaqa nutti dhiwoo jiruudhas. Inni baay’ee nutti siqatee kan jiruudha. Kadhannaan kun itti dabaluuudhaan ”maqaan kee haa qulqullaa’u” jedha. Jechi kun afaan Greekiin hagios isa jedhamu miti, ”hagios jechuun qulqulluu, kan kabajaafi ulfinni kan maluuf” jechuu yeroo ta’u garuu *’hagiazoo’* jechuun immoo qulqulleesseeuuf kan jedhutti hiikama. Erga Waaqayyo qulqulluu ta’eetii; akkamittiin isa qulqulleessuufi Waaqa qulqulluu isa gochuu dandeenya?

Phaawuloosii nuti caaffata banamaa namoonni dubbisaniidha jedha. (2qor. 3:2). 1qor.4:9 keessattis akkas jechuun barreessee, “nuyi ergamoota waaqa irraafi namoota biyya lafaafis ilaalchaaf taaneerra.”

Namoonni Waaqayyoon osoo hintaane nuun argu. Jireenyi keenya guyyaa guyyaa Waaqayyoon kabajuufi galateeffachiisu danda’a, ykn immoo maqaa isaa kan salphisuu, akkasumas waldaa dogongoraan kan ibsuufi hojjicha irratti dhiibbaa negeetivaa kan geessisuudha. Mat. 5:13–16

Galataan bakka argama isaatti dhiyaadhu, akkasumas akka jaallatamaa abbaa keettis isa beeksisi. Qooda ofii keetiifi fedhii kee irratti xiyyeeffattu, dursiitii maqaafi ulfina isaa irratti xiyyeeffannaa kenni. “Waaqayyo waantoota ulfina isaatiif ta’an akka nuti barbaannu fedha. Haala kamiinuu keessatti mataa keenyaaf ulfina kennuu hinqabnu; ayyaanaafi eebba hafuura isaas baraaddachuu qabna, Kanaanis amala keenyaa keessatti maqaa isaatiif ulfina kennuu dandeenya. Yeroo ijoolleen isaa amala isaaniitiin kiristoosiin bakka bu’an Waaqayyo kan ulfaatee, maqaansaas kan qulqullaa’ee ta’a.” (Manuscript 34, 1903, par. 15).

Akkas jedhii kadhaddhu: Abbaa, har’a waanti ani raawwadhu hundumtuu ulfina keetiif akka ta’uuf na garaari. Dhgaadhumatti akkan bakka si bu’uufi maqaa kees baadhee deemuu akkan danda’uu, akkasumas namoonnis yeroo na argan si galateeffachuu akka danda’anitti na gargaari. Hojii koofi, dubbannaa hundumaatiin amala Yesuusiin agarsiisuu akkan danda’utti namoonnis narratti amala kee arguu akka danda’anitti jiraachuuf na gargaari.

Akkasumas, kadhannaa keessan keessatti waantoota ulfina waaqayyoofi tajaajila isaa ta’u qofa barbaadaa. 1 Yoh. 5:14 akkauma jedhu ”akka fedha isaatti yoo isa kadhane waaqayyo kadhata keenya in dhaga’a.”

Maqaa yesuusiin kadhachuu qabna, kana jechuun garuu caalmaatti ”maqaa Yesuusiin” kan jedhu irra ni caala. Caaffata Qulqulla’aa keessatti maqaan nama tokkoo amala isaa bakka bu’a. Maqaa Yesuusiin kadhachuu jechuun akka fedha isaatti gaafachuu, waantota isaafi amala isaa bakka bu’an gaafachuu jechuudha. Yaq.4:3 ”...ni kadhattu garuu hinargattan sababni isaa Yaada hamaadhaan waan kadhattaniif,” jedha. Maqaa Kiristoosiin kadhachuun kana irra kan caaluudha. Amala isaa fudhachuu, hafuura isaa mul’isuufi hojii Isaa hojjechuu jechuudha.” (*hawwa barootaa*, p. 668).

Yesuus maqaa isaatiin, akka fedha isaatti, akkasumas ulfina isaatiifis kan ta’ufi waaqayyoonis kan kabachiisun yoo kadhane akka nuuf deebisu waadaa nuuf galeera. (Yoh.14:13, 14; 1 Yoh. 5:14).

Akkasumas Waaqayyo yommuu deebii kennu immoo isa galateeffachuufi kabajuu kee mirkaneeffadhu. Ofii keenyaaf galata tokkollee fudhachuu hinqabnu. Seexanni ulfina Waaqayyoo ofii isaatiif fudhachuuf yaala. Gad of deebisuudhaan, galataan Waaqayyoon karaa dubbii, gochaafi kadhannaa keetiin beekamtii kenniif.

Yeroo komannu waa’ee Waaqa keenyaa ergaa dogoggoraa kennaa jirra. Karaa tokkoon Waaqayyo gaarii miti, dhimma hinqabu, waada isaa hineegu jenna. Macaafni qulqulluun garuu Yeroo hundumaa waaqayyotti gammadaa jedha (1Tas. 5:16; Fil. 4:4). Karaa waaqayyoon ulfina kennuufii dandeessuun Kadhaddhuu, haasa’is. Yeroo shakkii qabaattu akkamittiin amantiitti nama kakaasuu dandeessa? Yeroo komii dhiheessitu namoonni kaan Waaqayyoon akka galateeffatan akkamitti gochuu dandeessa?

Kadhannaan keenya garaarraa madde akkas ta'uu qaba, “Abbaa ko isa waaqarra jeraattuu, yaa jaallatamaa Abbaa, har’a dubbannaafi gocha kootiin dhugaadhumatti namoota duratti akkan bakka Si bu’uuf na gargaari. Wantoota Si kabachiisan qofa naaf kenni, akkasumas Si tajaajiluun akkan itti fayyadamuuf na gargaari. *Mee har’a maqaa Keetiifan ulfin kenna.*

Mee Waliin Haa Kadhannu.

Yeroo Kadhannaa (daqiiqaa 30–45)

Gareen kadhataa hundumtuu haala garagaraa itti waliin kadhata qabu. Daqiiqaa 30-45 itti aanee jiru kana keessatti akkaataa hafuurri qulqulluun isin qajeelcheen kadhata tokkummaadhaan akka isin qabaattaniif isin jajjabeessina. Kadhannaan haasawaa gabaabaa (hima 1-3) qabu ni jajjabeeffama. Kun akka namootni baay’een yeroo heedduu kadhataaniif gargaara. Armaan gaditti fakkenyotni muraasi karaa mata duree caaffata qulqulla’aa, kadhannaan muraasi dhiyaataniiru. Akkasumas karaa heertuu kan biroos kadhachuu ni dandeessuu, kadhata keessan keessattis mata dureewwan kan biroos hammachiisuu ni dandeessu. Yaada kadhanna argachhuuf qajeelfama geggeessaafi gaaffii kadhannaa waldaa addunyaawaa ilaalaa.

Sagalee Waaqayyootiin Kadhachuu — Matt. 5:16

“ifni keessan namoota hundumaa biratti haa ifu namoonnis isa gaarii hojii keessanii arganii kan waaqaa ABBAA keessan haa galateeffatan.

“Ifni Keessaan Ha Ifu”

Gooftaa, ati madda ifa hundaati. Namoonni amala kee isa gaarii arguu akka danda’anitti nu keessan ifi. Karaa jaalala keenyaadhaa namootni gara mootummaa keetti harkifamuu akka danda’anitti dhugaadhumatti ifuufi siin mull’isuu akka dandeenyuuf nu gargaari.

“Isa gaarii hojii keessan arganii”

Yaa Waaqayyo, yeroo tokko tokko akka namootni waanta nuti goonu hundumaa ilaalaa jiran ni daganna. Jireenya keenya keessatti jaalala malee jibba akka hinargineef isaan gargaari. Arjummaa malee ofittumaa akka nu keessatti hinargineef isaan gargaari. Ijoollee, oollaafi diinotuma keenyaafillee eebba akka taanuuf nu keessan hojjedhu.

“Akkasumas Abbaa Keessan Isa Waaqa Irraatiif Ulfina Ha Kennan”

Waaqayyo, ati ol-qabamuu, nuuf immoo gad-jechuutu ta’a. Oollaani keenya humnaafi gara laafina kee gocha jaalalaa keenya keessatti arguu akka dandaniif gad-of deebisu nu barsiisi.

Yaadota kadhannaa Dabalataa.

Galataafi Hooqubaa: Eebba isaa addaatiifi gaarummaa isaatiif galateeffadhaa.

Cubbuu Himachuu: Daqiiqaa muraasaa qalbii jijjiirrannaa dhuunfaatiif itti fayyadamaatii dhiifama isiniif gochuu isaatiif immoo waaqayyoon galateeffadhaa.

Qajeelfama: Qom-qabaa keessa jirtuufi murtoowwan garaa garaatiif waaqayyoon ogummaa kadhaddhu.

Waldaa Keenya: Fedhii naannooleefi addunyaatiif kadhaddhu, (waraqaa xiqqoo gaaffii kadhannaa qabu ilaali)

Gaaffii Naannoo: Waanta amantootaaf amma barbaachisuuf, maatiifi oollaaf kadhaddhu.

Dhaggeeffadhuutii Deebii Kenni: sagalee deebii waaqayyoo dhaggeeffadhuutti yeroo fudhadhuutii galataafi faarfannadhaan deebisi.

Yaada Faarfannaa Dabalataa

Faarfannaa Adv, Guyyaa 7ffaa: Ati akkam guddaadha (#86); Galatni Gooftaadhaaf (#1); Isa Galateeffadhaa, Isa Galateeffadhaa (#249)

Faaruu Kan Biroos: Karra isaatti nan galaa; Yesuusiin Ibsi; Surraa isaa; Maqaan isaa ajaa’iba